

no. 13 83  
**ARRESTS**

**NOTABLE DE LA COVR**  
de Parlement,

Portant Reglement entre les menuës  
dixmes des Cures dépendantes des  
Abbayes, & terres nouales.



**A PARIS,**  
Chez **NICOLAS BESSIN**, au bout du  
Pont de l'Hostel-Dieu, proche la  
porte de l'Archevesché.

---

**M. DC. LXIX.**



*ARREST DE LA COUR DE  
Parlement touchant les Dixmes.*

**L**O V Y S Par la grace de Dieu Roy de France & de Navarre : A tous ceux qui ces presentes lettres verront. Salut sçauoir faisons que comme de la sentence donnée de nos Amez & feaux Conseillers, tenans les Requeste de nostre Palais à Paris, le 24. Mars 1620. Entre Maistre Michel Viry, Prestre Curé de S. Mars, exposant aux fins de l'exploit du 10. Septembre 1616. & en execution de sentence interlocutoire du Iuge Chastellain de Tresfeauy, le 19. Iuin 1627. d'une part. Et Ieen Plier dit Marquet, defendeur, & nostre Amé & feal François de Montmorency Abbé de Moleseme, interuenant d'autre, par laquelle nosdits Conseillers auroient ordonné que lesdits demandeurs iouiroient des menuës Dixmes de la Paroisse de S. Mars : ensemble des Noualles sur les pieces de terres mentionnées au procès, condamné ledit Plier luy rendre & restituer celles par luy prises & perceuës, ou la iuste velleur & estimation au dire de gens à ce connoissans, dont les parties conuiendroient par deuant l'executeur de ladite sentence : faute d'en conuenir, en seroient par luy pris & nommez d'office, condamnez lesdits Plier & de Montmorency aux despens, cha-



cun pour leur regard. Eust esté par eux appelle a  
nostre Cour de Parlement, en laquelle le procez  
par escrit conclud & receu pour iuger si bien ou  
mal auroit esté appelle, les despens respectiue-  
ment requis par les parties, en l'amende pour  
nous, joint les griefs hors le procez, pretendus  
moyens de nullité & production nouvelle desdits  
appellans qu'ils pourroient bailler dedans le  
temps de l'ordonnance, ausquels griefs, ledit Vi-  
ry inthimé pourroit respondre, & contre ladite  
production nouvelle bailler contredits aux des-  
pens desdits appellans, & acte audit Pliet de ce  
qu'il concludroit aux perils & fortunes dudit Abbé  
de Molesme son garand. V E V iceluy procez,  
griefs dudit de Montmorency, responces dudit  
Viry, forclusions d'en fournir par ledit Pliet, &  
de bailler moyens de nullité & produire de nou-  
uel par lesdits appellans sur l'incident d'entre le-  
dit Abbé de Molesme demandeur en lettres du 14.  
May 1627. afin d'estre receu à articuler de nouuel  
les faits y contenus d'une part: & ledit Viry de-  
fendeur d'autre, productions desdites parties,  
contredits dudit Viry, requeste dudit Abbé de  
Molesme du 29. Nouembre audit an, le contenu  
de laquelle il auroit employé pour contredits:  
l'Arrest du 21. Juillet precedent, Arrest du 15. du  
present mois & an, entre ledit de Montmorency  
appellant de certaine sentence donnée par nosdits  
Conseillers des Requestes du 11. Decembre 1619.  
& de toutes les procedures faictes contre Maistre  
Augustin Blanc, Procureur audit Parlement, com-  
me Procureur dudit Pliet d'une part, & ledit Vi-  
ry inthimé d'autre part, lequel sur ledit Appel



lesdites parties auroient esté appointées au Conseil, donné acte audit suppliant de ce que pour toutes causes d'appel & production, il employoit ledit procez par escrit, & ce qui auoit esté escrit & produit en iceluy, ordonne que ledit inthimé produiroit de sa part dans trois iours pour tout delay, & joint audit procez, joint les pretendues fins de non recevoir dudit inthimé, deffences au contraire, sur lesquelles seroit preallablement fait droit: requête du Viry dudit 16. du present mois & an, employe pour toutes responces, production & fins de non recevoir, forclusions de fournir de responces, & le tout diligemment examiné: Nostredite Cour par son iugement & Arrest, sans s'arrestre ausdites lettres & fins de non recevoir, faisant droit tant sur ledit procez par escrit que appellation verballe, A mis & met les appellations au neant sans amende, ordonne que la sentence & ce dont a esté appellé sortiroit effet, Condamne les appellans aux despens desdites causes d'appel & incident desdites lettres chacun en leur regard. La taxe des adiugez à notredicte Cour reseruée, sans preiudice de la sommation intentée cõtre ledit de Montmorancy, sur laquelle lesdites parties contesteroient plus amplement. En témoin de quoy, nous auons fait mettre nostre seel à ces presentes.

Donné à Paris en nostredit Parlement le 23. iour de Decembre, l'an de grace 1621. & de nostre regne le 12. Signé par iugement & Arrest de la Cour. Signé.

GALLART.

Et scellé.



ARREST DE LA COUR DE  
*Parlement touchant les Dixmes.*

**L**O V Y S par la grace de Dieu Roy de France & de Nauarre, au premier des Huissiers de nostre Cour de Parlement, ou autre nostre Sergent sur ce requis, Salut. Comme ce iour comparant en nostredite Cour, Maistre Innocent Gallot, Prestre Curé de saint Mars, appellant de deux Ordonnances & permission de saisir estant au bas de la requeste présentée au Bailly de la Ferté Gaucher, le dernier Aoust 1623. saisie d'icelle du mesme iour, & de ce qui s'en est ensuiuy, & demandeur en conuersion desdites appellations & opposition du 16. Septembre audit an, d'une part : & Gabriel de Iouy, Valentin & Estienne les Houliers, admodiateurs dudit reuenu temporel de la Maison-Dieu aux moyens, dépendant de l'Abbaye de Moleme, inthimez & deffendeurs d'autre, ou les Procureurs des patties, & veu par nostredite Cour ladite requeste présentée au Bailly de la Ferté Gaucher par lesdits de Iouy & Houlliers esdits noms le dernier Aoust 1623. à ce que attendu que comme admodiateurs de ladite Maison-Dieu aux Moynes, leur appartenoit moitié des Dixmes de la Parroisse dudit saint Mars, qu'au preiudice de ce, du moins Iacques Cheualier ayant leurs droits y estoit empesché par ledit Gallot, lequel de force & violence enleuoit iceux dixmes, & requis leur estre permis informer, cependant faire



faisir par prouision à leurs perils & fortunes les grains enleuez par ledit Gallot ou ses domestiques, ce qui auroit esté ordonné, la saisie faite ledit iour à la requeste desdits de Iouy & Houllier des grains y mentionnez & Commissaires y establis : lettres de relief d'appel obtenues par ledit Gallot, & desdites permission d'informer & saisir avec clause pour les conuertir en opposition, Arrest du 6. Aoust 1624. par lequel par appointé ayant égard audistes lettres, les appellations dudit Gallot auroient esté conuertis en opposition & pour y faire droit. Ordonne que ledit Gallot bailleroit ses moyens d'opposition dans huictaine, lesdits de Iouy & Houlliers leurs responses huictaine apres produiroient ce que bon leur sembleroit pour leur estre fait droit, causes d'opposition, responses, productions desdites parties, requestes par elles respectiuelement presentées le 29. Aueil & 4. Iuin 1625. employez pour contredits en ladite instance suiuant l'Arrest du 28. Feurier audit an, autre Arrest du 19. Iuin 1625. par lequel auant proceder au Iugement dudit procez auroit esté ordonné que les parties articuleroient plus amplement leurs faits, y respondroient la huictaine ensuiuant, informeroient au mois bailleroient contredits & saluations dans le temps de l'ordonnance, pour ce fait ordonner ce qu'il appartiendra, despens dommages & interests reseruez : les faits & responses & enquestes respectiuelement faites à la requeste desdites parties en execution dudit Arrest receuës pour iuger par Arrests des 18. Aueil, & 19. Iuin mil six cens 16. ioint les pretendus



moyens de nullité, & les parties appointées à produire & ouyr droit comme deuant moyens de nullité, reproches de témoins, productions respectiuelement faite: par lesdites parties, suivant ledit Arrest, contredits dudit Gallot contre la production desdits de Iouy & Houlliers, requeste par eux présentée le 11. iour de Decembre dernier, employez pour contredits contre sa production dudit Gallot, requeste d'iceluy Gallot du 11. Mars dernier afin de ioindre à ladite instance les pieces y attachez pour seruir de reproches contre Anthoine Varennes & Iacques Duual, témoins ouys en l'enquaste desdits de Iouy & Houlliers, avec certain memoire signé Viry cy-deuant Curé dudit saint Mars, & Procez verbal du 11. Mars mil six cens dix-neuf de descence faite sur les terres pretenduës noualles par ledit Viry, à la requeste d'iceluy Viron en execution de sentence des Requestes du palais, sur lequel estoit interuenu Arrest du 23. Decembre 1621. produit au procez, requeste desdits Iouy & Houlliers du 15. Iuillet dernier, employez pour contredits contre lesdites parties, saluations dudit Gallot, & tout considéré. Notredite Cour faisant droit sur la demande & opposition dudit Gallot, luy a fait & fait main-leuée des grains & choses saisies à la requeste desdits de Iouy & Houlliers, le dernier Aoust 1623. & dont est question Condamne lesdits de Iouy & Houlliers es despens dudit procez par ledit Gallot faits depuis led. Arrest du dix-neufieme Iuin mil six cens vingt-cinq seulement, sans dommages & interrests, pour ce regard. Si te mandons qu'à la re-

queste dudit Gallot, le present Arrest metres à execution. De ce faire te donnons pouuoir, commandons à tous qu'il appartiendra luy obeir. Donné à Paris en nostre Parlement le quatorzième iour d'Aoust, l'an de grace 1627. & de nostre regne le 18. Signé, Par la Chambre.

**RADIGVES.**

**Et scellé.**